

INUIT ATAQATIGIIT

Inatsisartuni



UPA 2017/42
Nuuk, 24 april 2017
Villy Olsvig

Naalackersuisut UKA 2017-mut inuit nunaqarfinni, illoqarfinnilu mikinerni illuliornisamat aningaasaliiffigineqarnissaminnut pitsaanerusemik periarfissaqalernissaat pillugu pilersaarusequllugit Inatsisartut aalajangiiffissaattut siunnersuut.

(Inatsisartunut ilaasortaq Bendt B. Kristiansen, Inuit Ataqatigiit)

Siullermik Inuit Ataqatigiit-niit siunnersuuteqarnikoq qutsavigiumavaat nunatsinni isoratuumi ilaatigullu ineriartornikkut missukutaasoqarsinnaasarsimasinnaanerani pingaaruteqarluinnartumik siunnersuuteqarsimammat. Pingaaruteqarluinnarpormi nunatsinni sumiiffinni illoqarfinniuppat imaluunniit nunaqarfinniuppat sanaartornikkut periarfissaqartuarnissaanut.

Ukiuni kingulliunerusuni inatsisartut aningaasanut inatsisaasigut sanaartornikkut ineriartortitsinermi aningaasaliissutaasarsimasutigut takuneqarsinnaalluarpoq illoqarfinni mikinerusuni aammalumi nunaqarfinni sanaartornikkut aningaasaliisarsimanerit killeqarsimasut.

Illoqarfinni mikinerusuni aammalumi nunaqarfinni inissiarpassuaqassaaq illoqarfinni anginerusunitulli pisoqalisimasunik aserfallassimasunik, tamakkulumi nutarterneqanngikkuni isarterneqarlutik nutaanik taarsersorneqarsinnaanissaat aammattaaq periarfissaasariaqarpoq.

Taamatuttaarlu nunaqarfinni nammineerluni sanaqatigiilluni illuliortarnerit annertusaaffigineqarlutillu inatsiseqarnikkut periarfissaat aaqquissuuffigineqartariaqarsorinarput.

Ilaatigullumi aamma BSU aqqutigaluni illorpassuit nunatsinni sanaartorneqarsimasut ukuni makkunani ilaqassapput annikinnerusemik annertunerusemilluunniit aserfallattaalinearlutillu nutarteqqinneqarsinnaanerannut aqutsissinneqarnissaat, tassanilu ilaatigut aporfioratarsinnaasartuq inoqutigiit ukiumut isertitaqartarnerannut killiusup nalilersuiffigineqarsinnaanissaa.

Siunnersuuteqartup alliakkiani oqaaseqatigiit kingulliit issuaaffigilaarpakka, isuaaneq "Ukiortarujussuanngortuni nunatsinni equngasutut isigineqartoq tamaniilli aaqquissuteqarfigineqartariaqartutut eqqaaneqartuartartoq maannakkut alloriarfigineqartariaqalerpoq."

Naalackersuisoqatigiimmi suleqatigiinnissamik isumaqatigiissutaanni qulequtani pingasuusuni ilaatinneqartut tassapput NALIGIINNEQ – INERIARTORNEQ, qulequttallusooq imminer-minnik oqariartuutigerpasippaa qanoq iliuseqartoqartariaqartoq, iliuseqarsinnaanissarlu inatsisartuniis-sorinarpoq aningaasa-nummi inatsisissaq 2018-nimoortoq suliarineqarumaarnissaani illoqarfinni isorliunerusuni aammalumi nunaqarfinni sanaartorsinnaaneramik periarfissiinikkut tamanna iliuseqarsinnaasutut takorloorneqarsinnaalluarpoq.

Oqaaseqaatima naanngillaattaani naalackersuisoqatigiit isumaqatigiissutaanniit oqaaseqatigiit uku issuaaffigerusunnarput, issuaaneq: **Ineqarnek sanaartornerlu**
"BSU aqqutigalugu illuutillit namminerlu illuutillit illutiminnik iluarsaassinissaminnut atatillugu tapiiffigineqarsinnaanerit iluarsaasseqqinnermi qummut killiliussat nutaamik nalilerneqassapput.

Illoqarfinni nunaqarfinnilu realkredit aqqutigalugu periarfissaqarfiunngitsuni nammineq illuliorniartut periarfissaat annertunerpaatikmullugu realkreditinut assingusumik aningaasateqarfiliorsinnaaneq misissorneqassaaq." Issuaaneq naavoq.
Taamaammatt siunnersuuteqartoq Inuit Ataqatigiit-niit isumaqatigalutigu siunnersuuta akuersaalugu ataatsimiitsitaliamut susassaqtumut ingerlatipparput.